



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1351 usque ad annum 1414

Fleury, Claude

August. Vind. [u.a.], 1768

VD18 90118278

§. 46. Ejus initia.

[urn:nbn:de:hbz:466:1-66293](#)

Sæcul. XV.

A. C. 1410.

§. XLVI.

Joannis XXIII initia.

Th. Niem. Balthasar Cossa nobili genere Neapolitano
Vit. Joan. ortus ut adolescens, etsi jam Clericus
XXIII. 1. cum fratribus suis piraticam fecit ex occasione belli Ladislauum inter ac Ludovicum Andegavensem. Ita consuevit vigilare noctu, dormire interdiu, pergebatque id facere per omnem vitam suam. Tum Bononiam litterarum causa delatus hoc sub obtentu multis ibidem annis traductis, quanquam non admodum eruditus Juris tamen lauream accepit, quin etiam a Bonifacio IX, qui de ipso inaudierat, vacuum archidiaconatum Bononiensem, munus profecto amplissimum, quippe connexum cum præfectura Universitatis, & cum jurisdictione in hujus discipulos.

Per ambitionem brevi profectus Romanum, ac ejusdem Papæ Camerarius secretior factus gratiam, qua florebat, in rem suam coepit vertere plus pecuniae sibi offerentibus impetrando beneficia. Multas quoque noxarum condonations vendidit in Germania, & pro regionibus ad septem triones sitis. Cum a Bonifacio anno 1402 creatus esset Cardinalis Diaconus de S. Eustachio, id ei magna vi argenti constitisse rumor erat in Romana curia. Anno proximo idem Papa Bononiensem.

Rayn. 1403.
n. 9.

noniensem illi legationem commisit, ut ^{Sæcul. XV.}
tum hominem a concubina Catharina no- ^{A. C. 1410.}
mine, quam is Romæ fovebat, abstrahe-
ret, istamque foeminam, & maritum ejus
Neapolim remitteret; tum Bononiam
Supremæ iterum Sedi subjiceret.

Nam hæc urbs parebat liberis Pro-
Comitis Joannis Galeatii, qui diu op-
pugnatam ceperat: & Bonifacius tam
ærario, quod molitioni sufficeret, quam
viro ad eam perficiendam idoneo carebat:
sed neutrum sibi defore censuit, si ope-
ran, fortunasque ipsi suas devoveret Bal-
thasar. Qui suscepta legatione Roma
Bononiam cum exercitu profectus, obse-
sam expugnavit. Perbene dein sciebat
factos compensare sumptus, & magnas
insuper opes conflare nova subsidia, &
aurum mutuum severissime exigendo.
Imperabat enim instar Tyranni potius,
quam Legati Ecclesiæ.

Bonifacii IX extinti successorem In-
nocentium VII Bononienses in urbem suam
attrahere studuerunt, ac se liberare jugo
Balthasaris: qui re comperta consilii au-
thores duriter mulctavit bonis, seque In-
nocentio semper opposuit; quem parvi
pendebat. Nec melius ille convenit cum
Gregorio XII, a quo dissidebat ob episco-
patum Bononiæ. Nam hunc is anno
1407 contulit nepoti suo Antonio Corra- ^{Ughel. fo. 2.}
rio: qui vero nunquam istum possedit: ^{p. 36.}

Sæcul. XV. quia Balthasar percipiebat hujus Ecclesiæ redditus, quos ad conservandam Supremæ Sedi urbem sibi opus esse perhibebat.

A. C. 1410. Animi eum sui alienatio a Gregorio permovit, ut Pisano faveret concilio. Ipse fuit, qui cum Florentinis egit, ut hoc in urbe sibi obnoxia celebrari sinerent: quin etiam pecuniis suis adjuvit Cardinales, qui idem convocarunt.

Proponebatur inibi Balthasar in Papam electio: at causabatur sibi videri cooptandum tum quidem potius Petrum Cretensem, probe instructum litteris, aetate proiectum, optima florentem fama, denique Græcum sine cognatis Ecclesiæ Romanæ futuris oneri. Ceterum spondebat se illi fore ducem in gerendis rebus profanis, & pro suis viribus adjutorem ad recuperandam Romam, ac He-truscum S. Petri Patrimonium. Erat vir magnus profanis in negotiis, sed in sacris nullus. Itaque loquitur Leonardus Aretinus, qui ei a secretis fuit, & jam Innocentio VII, atque Gregorio XII servierat.

Joannes XXIII ipso, quo coronatus est, die sui pontificatus indices litteras exarari voluit ad omnes Episcopos circummittendas. Relata ibi summatim historia schismatis scrupulos tollendi gratia confirmat collationes beneficiorum, & abrogat censuras ab utraque parte pronun-

Ital. hist.
p. 237.

Rayn. 1410.
n. 21.

nunciatas. Per alias deinde litteras 21 ^{Sæcul. XV.}
Julii scriptas approbat sententias a Conci- A. C. 1410.
lio Pisano, & Alexandro V latas in Gre-
gorium, Benedictum, horumque fautores. ^{n. 23.}

§. XLVII.

Ruperti mors. Sigismundus Imperator.

Duodecimo Calendas Junias Imperator
Rupertus Oppenheimii vitæ cursum
confecit anno decimo sui regiminis.
Quod edoctus Papa Joannes ad Electro-
res misit Nuncios cum litteris, quibus il- ^{Trith. 1410.}
los magnopere hortabatur, & orabat, ut
in Romanorum Regem eligerent Sigis-
mundum Luxemburgum, tunc Regem
Hungariæ, Imperatoris Caroli IV filium;
ac Wenceslai fratrem. Reapse hunc il-
li Francofordiæ post consultationem se-
dulam cooptarunt, postquam Virum dig-
niorem haud invenerant.

Nam is erat Princeps prudentissimus,
constans, magnanimus, pius, liberalis,
præstans corporis specie ad majestatem
apposita, lectione crebra eruditus, & mul-
tas callens linguas: saepe pugnaverat
cum Turcis, ac ex horum Ducibus tri-
ginta duos ceperat. Vigesima Septem- ^{Gobel. pag.}
bris suit, qua eum eligebant Archiepisco-
pus Trevirenensis, Comes Palatinus, &
Marchio Brandenburgius: deliberabant

Xx 5 adhuc

289.